

Tangkhul Naga Welfare Society Bengaluru

RIYAN

9th Edition

Printed: 20 June 2025

9th REVISION COMMITTEE

Lovejoy Mahung	Ngahotme
Ningreithem Kashung	Mipha
Yuikan Shirik	Mipha
Shangreiphao Muivah	Mipha

Sothing A C

Mipha

Ramnganing N K

Mipha

Macven Chamroy

Ex-Officio

RIYAN NGAYUNG (PREAMBLE)

Bengaluruli kapam Tāngkhulnao ithum sak-kha sāda phākhamei mirin-chuikhamei wortamrin, mathākhamei lansinrin, ngachamthamkakai yaruirin, chingrikakai leingakrin; āwo-āyina haimikakai āman kasakka ngashan eina shiyan-chikān khangāk, mathāsang khangasak kala hāngmaron khami; ithum khalatta chinaongarāwui leishi-khamano leida katomkhami, khamashung shongfā hāngmingarokta zatvākharum, kakhanang-kachot, kasak-kapai phungkhangarum, makathukka āzara-āvānaoli khāngkhui khami, ringkaphā-khamana ātam leikhangarok, yur-jāt ākhā sādā khokha-ningkha eina mashitri ringkhangarum kala manglārin thukmeida okthuingarum khavai Tāngkhul Naga Welfare Society Bengaluruwui Riyan hi ājawui Longshim Kazip, 25 Kharam 2024 thang ithumna khalatta khokha sāda kachikatna.

ĀKHUM-I

MINGPHO

Long hiwui āming Tāngkhul Naga Welfare Society Bengaluru hora, kasha eina TNWSB chira.

ÃKHUM-II

TUIKUI

“Ãwor hi Pangshapna”.

ÃKHUM-III

ÃMAHÃ (EMBLEM)

- LOGO-

A. Longwui ãming kala tuikui.

Ã. Lengchengshim: Imayurwui amahã/ngashan.

A. Lairik: Chuikhamei ãwor khangahom.

B. Hangkhok khalãnghã: Ngam kala khayã kakã.

C. Lingkakã Zingkum: 1986.

ÃKHUM-IV

PHILÃN

A. Longwui philãn pãn hi kacharana, hina chingri kahai chitheiya.

Ã. Philãn hi ãsãn na 3ft, ãret na 5ft.

A. Philãnwui ãlungthungli *emblem* zangra.

ÃKHUM-V

LEIRET (JURISDICTION)

A. Long hiwui leiret hi *Greater Bengaluru Municipal*

Body/Bruhat Bengaluru Mahanagara Palike (BBMP) na yangsangmida khalei (*Greater Bengaluru*) leiret vãshungda zatra.

Ã. Hãngkahai leiret hiwui ãlungli Tãngkhul Long katei maleipai mara.

i. khã-wung lah katamnaobing lah luiyan einala ngasuikhuilaga kasã long

maleipai mara.

ii. School/college wui ngarumsak leisalala campus chiwui ālungmāngli
zatnapaira

iii. khā-wung wui ngarumsak leisalala sākashok saikora ramnao chiwui
ālungmāngli sapaira.

A. Hāngkahai leiret hiwui ālungli Long hiwui khamayā maleila khā-wung eina
lah luiyan eina lah mi ngasuikhuilaga Tāngkhul phanit-phanao amayonpaimara.

B. Hāngkahai leiret hiwui ālungli Longwui āming singlaga pheisā khangashai
lah katei ot masapai mara.

C. Long hina Tāngkhul katongawui chuimeikap kachi kala ākhamāng
kachi longna. Tāngkhul āshangvawui tuitak Long hina khuira kala chili mayāser
phalungra.

ĀKHUM-VI

MIPHĀ KHANGASĀ

A. BBMP wui leiretli pānda khalei Tāngkhulnao ngasāphalungra.

Ā. Tāngkhul khā-wung ākhāwui shangchan khaleiya mi ngasāphalungra.

A. Zingkum tharāda phangā kala chiwui ātungbing katonga *active member* sāra
kala chiwui āzingbing china *associate member* sāra.

B. Khalattana Long hili mingchan (registration) sāphalungra.

C. *Active member* kachivana kum kachidawui miphāman miphālungra

D. Associate memberswui miphāman hi active member bingwui tangkhai sāra.

E. NSUB (Naga Students' Union Bengaluru) wui Riyan article 3(B) athishurda
TNWSB member bingwui miphāman chiwui eina NSUBli mikharan misangra.

ĀKHUM-VII

TUI

Long hili Tāngkhul kala *English* tui eina zatnāra.

ĀKHUM-VIII

LONGSHIM KAZIP, OTSIN KALA PANGSHAP

A. Longshim hi Long hiwui mipḥa kachivāna zangpai.

Ã. Longshimwui mi kachitret hi phungvābing khum kathumwuili khani ($\frac{2}{3}$) kala yaruī mashing zangda thumrāna sāra.

A. Longshim hi Longwui kumshān ākhāwui ālungli teomeikapta khanishida pamphalungra.

B. Longshim hi zimiksho tharāda phangā thangwui mangāli chishātmilaga pamra.

C. Longshimna Longwui *audit statement* kala lanyei (budget) mayā mira.

D. Longshimna Phungvābingwui (Executive) *honorarium* kum-kum wui chi ngayeimira.

E. Lan Kajitme kala Kapangkasang Thanme hi Longshimna hāsangra.

F. Longshim hina Long hiwui chuimeikap kachi tuitak khuikhavai kazipna.

G. Longshimna tuitak takahaichi katei Longshim mipḥa chungkhameina maningla mangajeipai mana. *

*Long Thanme, Long Akhoka, Long Mawunwo lah katei *Committee* nala Longshimwui tuitak mangacheimipaimana.

ĀKHUM-IX

MANOTHĀ KAPAI KAZIP (EMERGENCY)

A. Longwui manothā kapai kasakka tui yaruina ngasanrumki kachi leiākhā zimiksho phangāthangwui mangāli maram chitheimilaga Manothā Kapai Kazip ngahotmira.

Ã. Kachikathā rai, wunshimui, kumshāt hikathāthā leihaiākhā thākmeikap kachi

ãtam eina Manothã Kapai Kazip ngahotmira. Hikathã kazipli ãkhum VIII. ã
kala IX.A chi mayangmara.

A. Hikathã kazipwui pao hi kashap eina tangda yarui katongali ungshung
vãshung khavai shichin kapai *media* katongali vaomalãnmiphalungra.

ÃKHUM-X

MASHUN KHAMI (JUSTICE DELIVERY)

A. Shãnaobingna yaruirinli mapungphãmeida kala malingmeida otram ngathã
khavai Phungvaliranu lah *Committee* kachivali shãnao zangphalungra.

Ã. Kashap eina tangda Phungvãbing hi Tãngkhul luiyan matiwi eina ngarinda
ngayartham eina khuira.

ÃKHUM-XI

LONG THÃNME (EXECUTIVE COUNCIL)

Long Thãnme hi Longshim ãkhoka (Assembly Affairs) kala Long Mawunwo
(Executive Committee) na semra.

Ãchuk ãkhãn:

A. *Greater Bengaluruli* teomeikapta zingkum ãkhã pamkahi Long hiwui mipha
ngasãphalungra.

Ã. Kalãngshim (Competent *Court*) ** na shongrãn tãmikahi shongphomi
mangasãphalung mara.

A. Long hiwui ãin-Shongrãn Khuime (Disciplinary Action Committee) na
shongrãn maparlãkrang kachi mi ngasãphalungra.

B. Long hiwui kashok kazang katheiya kala Riyanli chonmakãnda masã kasã mi
ngasãphalungra.

C. ãkhum XII. A. i- iv, XII. ã, XIII. A-A, XIV. A, ã, B *** bingwui
otpambing hi teomeikapta graduate kupkahiya mipha ngasãphalungra.

D. Khangatei phungvãbing china teomeikapta10+2 kupkahiya mipha

ngasãphalungra.

******India Governmentwui court, Tãngkhulwui long- TNL, TKS, TMNL, TSL hikathãthã kala Tãngkhul khawung kachivawui kalãngshim zangserkahaina.

*******Otpambing chiya: Yaruiwo, Woshina, Kapime, Pishina, Machinme, Tuikhoka, Tuikhoklen
kala Longshim Kapime.

ÃKHUM-XII

LONG MAWUNWO (EXECUTIVE COMMITTEE)

Long Mawunwo hi Phungvābing kala Machinmebingna semra.

A. Phungvābing: Otsin kala Pangshap

1. Phungvābing hi Ãkhum XII. A.i- xvi li chitheimi kahai mi tharāda tharukna semra.
2. Kachāng ākhali teomeikapta ākhāshida chān ngazek kazip leiphalungra.
3. Chān ngazek kazipli mi kachitret hi $\frac{2}{3}$ eina yangra.
4. Tuitak hi *simple majority* eina vaira kha ngaraichāhaiākhā Thānmewui tui/khānmet eina vaira.
5. Kachikathā otngarut singkakā ātamli mi darkār sãākhā tãng tãng wui ngakuime (co-opted *members*) hāsangpai.
6. Kumshān ākhāli Dharthei kala Kapāng Kazip rungmi phalungra.
7. Kumshānwui mingchanman kala miphaman āthumna kakmira.
8. Long hiwuivāng ātam ātam li *Seminar* lah *Workshop* rungmi pai.
9. Tangkhul Ruichumnaoli otshot kashok tharan TNWSB na saikora wuivang yangsangmira kha sakkhamei mangacham kharar otshot kashok tharan

Shimkhur, Shangnao, Kha kala chuikhamei Longli misangra.

10. Tāngkhulnao kadhar katābingli worshim ranu, otpam ranu lah āna tarkār kasā chithei khami eina ngasoda phāngachon mipai.

11. Mapan-kapai kasak kharā tharān darkār kasā pheisā Machinmeli ngasanlaga phākhuipei kala shichinhaipai. Ungkazan āpong kala shichin kahai pheisā chi thākmeikap kachi Longshimli chitheimi phalungra.

12. Phungvābingwui chān ngazek kazipli āthumna hosang khangayi Committee lah kachikathā miphala hosangpai.

13. Kachikathā phungvāna khamayā makhuila Phungvā chān ngazekli khanishi ngaronda marāthuākhā otpamwui eina chihokahainada khuira. Āwui mahut Phungvābingna zimiksho thumrā thangwui ālungli kapangsangmira.

14. Kachikathā kasakka ot kala Phungvābingna masingkapai/masingkhangayi leihaiākhā Standing Committee semmira.

15. Machinme, Mashun Yangme kala Āin-Shongrān Khuime bing hi āthumna hāsangra.

i. Yaruiwo (Chairperson): Otsin kala Pangshap

a. Āhi Long mawunwobingwui ākuina.

ā. Longshim maningla katei chān ngazek kazip kachida āna ngahotmira kala thānmira. Chikathā kazip saikorawui tuitakli āwui mahor kala shoi zangphalungra.

a. Longwui lan khuishok-khuizang saikoralī āwui khamayā shoi zangphalungra.

b. Longwui mapan-kapai kasak kharā tharān āna kumshān ākhāli Lp.10,000/- (thing tharā) mānghi shichinpei kala chiwui kashok kazarang chi nganaimeikap kachi Phungvā kazipli chitheimiphalongra.

c. Darkār kasā thārān āli *Standing Committeewui* chānngazek kazipli hosangra.

d. Phungvābingna ātam maungshungla otpam sontā ngaiākhā kapit-chithi eina āli misangra kala āna ngasanlaga tuitak khuimira.

e. Phungvābingwui otpam hāngkahai katongachi makapangsangranglaga eina

tangda ãna shinme sãsãra. (Ref. ãkhum XVIII. A).

f. Kachikathã otshot lah phanit-phanaoli ãna Longwui manganin sãda vãra.

ii. Woshina (Vice- Chairperson): Otsin kala Pangshap

a. Yaruiwowui otngarut saikorali ãna ngachonmida otsakrumra.

ã. Yaruiwo makhalei thãrãn Yaruiwowui otsin kala pangshap saikora ãna singkãmira.

iii. Kapime (General Secretary): Otsin kala Pangshap

a. Phungvã chãn ngazek kazip saikorali ãna kapime sarã.

ã. Longwui kapipho chi mathãlãk eina phãri haimira.

a. Longwui mishãn kum kumwui chi khuimira.

b. Longwui kumpei shongzã Longshimli chitheimira.

c. Yaruiwo eina Woshina makhalei ãtamli ãna Machinmebingli ngasanlaga Longhi yangmisãra.

iv. Pishina (Joint General Secretary): Otsin kala Pangshap

a. Kapimewui otngarut saikorali ãna ngachonmida otsakrumra.

ã. Kapime makhalei thãrãn Kapimewui otsin kala pangshap saikora ãna singkãmira.

v. Lan Phãme (Finance Secretary): Otsin kala Pangshap

a. Longwui lansin reikasang phãkasangwui ãpong ãna majukta ot sãra.

ã. Longwui lan samkaphang kala khuikashok katongali ãwui shoi zangphalungra.

a. Longwui lan-kapipho (cash *book*) kala *receipt* tãzak-horzakta haimi phalungra.

b. Longwui lanyei (budget) Phungvãbingli ngasanlaga ãna ngarãnda mayamikhavai Longshimli khuikãra.

vi. Lan Kazipme (Treasurer): Otsin kala Pangshap

a. Longwui pheisã ãna kazipra.

ã. Yaruiwo eina Lan Phãmewui khamayã shoi mazangla pheisã makhuishokpaimana.

a. ãwui eina pheisã khuishok khuizang kasã lan kapipholi tharzã eina kapihaira.

b. Pheisa khuishok khuizang kasãli ãwui shoi zangphalungra.

vii. Wortamrin Yangme (Educational Secretary): Otsin kala Pangshap

a. Katam-kasharin mangãvãmei khavai ãna majukta ot sãra.

ã. Phungvãbingli ngasanlaga *Seminar/Workshop* sãmira kala matailãk eina *career guidance orientation* khuimiphalungra.

a. ‘Paoyo’ wui *editor* ãna sãmira.

b. Lairik tamda khalei mi ngasãphalungra.

viii. Wortamrin Yangshinme (Joint Educational Secretary): Otsin kala Pangshap

a. Wortamrin Yangmewui otngarut saikoralì ãna ngachonmida otsakrumra.

ã. Wortamrin Yangme makhalei thãrãn Wortamrin Yangmewui otsin kala pangshap saikora ãna singkãmira.

a. Lairik tamda khalei mi ngasãphalungra.

ix. Yarui-shan Yangme (Social and Cultural Secretary): Otsin kala Pangshap

a. Imaramwui ngashan hi khamataiya ãman kasakka lan ãkhã sãda phãrihai khavai ãna majukta ot sãmira.

ã. Phungvãbingli ngasanlaga kumshãn ãkhãli ngashan wui phanit-phanao ãkhãshida rungmi phalungra.

a. Long kateiwui phanit-phanao lah kazip kateili imaramwui ngashan kachikat leiākhā āna thānda singkāmira.

x. Yarui-shan Yangshinme (Joint Social and Cultural Secretary): Otsin kala Pangshap

a. Yarui-shan Yangmewui otngarut saikorali āna ngachonmida otsakrumra.

ā. Yarui-shan Yangme makhalei thārān āwui otsin kala pangshap saikora āna singkāmira.

xi. Ngareo-Ngahan Yangme (Secretary Games and Sports): Otsin kala Pangshap

a. Phungvābingli ngasanlaga kumshān ākhāli ngareo-ngahan kazip ākhāshida rungmira.

ā. Ngareo- ngahan kāshungmeida kala mathāmeida zatvāshap khavai āna majukta ot samira.

a. Long hina long kateili ngareo- ngahan kasā thārān lah long hiwui kāngrup kasem thārānla āna kāngrup chiwui thānme sāmira.

xii. Ngareo-Ngahan Yangshinme (Joint Secretary Games and Sports): Otsin kala Pangshap

a. Ngareo-Ngahan Yangmewui otngarut saikorali āna ngachonmida otsakrumra.

ā. Ngareo-Ngahan Yangme makhalei thārān Ngareo-Ngahan Yangmewui otsin kala pangshap saikora āna singkāmira.

xiii. Yarui-Sunme (Public Relations Secretary): Otsin kala Pangshap

a. TNWSB eina long katei kala long phungvābing eina yarui ngashikmeida kala mashitmanoda otsakrum khavai āna sāra.

ā. Phungvābingwui eina chithei khangayi pao katonga ātam chāda theikhangayi *committeeli* lah longli chishātmira.

a. Kathãkka pao yaruina shãkhangayi leiãkhã leida khalei *media* shichin kapai shichinlaga thãklãk eina ngayaomi phalungra.

xiv. Yarui-Sunshinme (Joint Public Relations Secretary): Otsin kala Pangshap

- a. Yarui-Sunmewui otngarut saikorali ãna ngachonmida otsakrumra.
- ã. Yarui-Sunme makhalei thãrãn ãwui otsin kala pangshap saikora ãna singkãmira.

xv. Shãnaorin Yangme (Women Coordinator): Otsin kala Pangshap

- a. Shãnaobingna yaruili kala Long li mathãmeida otram ngathãkhavai ãna ot sãra.
- ã. Shãnaowui kasak-kapai ãna yangsangmira
- a. Mayarnaona masã kapai kala mazang-kapai ot chili ãna yangsangmira.

xvi. Shãnaorin Yangshinme (Joint Women Coordinator): Otsin kala Pangshap

- a. Shãnaorin Yangmewui otngarut saikorali ãna ngachonmida otsakrumra.
- ã. Shãnaorin Yangme makhalei thãrãn ãwui otsin kala pangshap saikora ãna singkãmira.

Ã. Machinme bing (Advisory Board)

1. Machinmebing hi mi kathumna semra.
2. Longwui kasak-kapai ãtamli ãthumna Phungvãbingli machinmira kha khanaowa tuitakva phungvãbing maningkhã longshimna khuira.

ÃKHUM-XIII

LONGSHIM ÃKHOKA (ASSEMBLY AFFAIRS)

Longshim Ākhokabingwui otpam hi āzingwui hithāda leira:

A. Tuikhoka (Speaker): Otsin kala Pangshap

1. Longshim kazip hi Tuikhokana phungvābingli ngasanlaga Riyanwui āthishurda ngahotmira kala thānmira.
2. Longshimwui mi kachitret āna yangmira.
3. Longshim mi kachitret makā-kapei thārān Tuikhokana ngasonmira kala latluida Longshim kazip zimiksho phangāli mathākmeila kala tharāda phangāli mahuimeila ngahotmiluira. Kakhane langchin hili mi kachitret makāpeilala longshim pamvāpai.
4. Ngazek khangai tuipong (agenda) āna ngahotmira kala Phungvābingli ngasanlaga khuishok khuizang sāpai.
5. Kachikathā tuipongli ngachamda tuitak makhuirarthuda khan yanglaga ngaraichāluhaiākhā āwui khānmet eina vaira.
6. Mi ākhāna tuipong ākhāli kathumshili lāngda matuihaiākhā āna khamhaipai
7. Longshim kazipwui tuitak katongali āwui mahor kala shoi zangphalungra.

Ā. Tuikhoklen (Deputy Speaker): Otsin kala Pangshap

1. Tuikhokawui otngarut saikorali āna ngachonmida otsakrumra
2. Tuikhoka makhalei thārān Tuikhokawui otngarut kala pangshap saikora āna singkāmira.
3. Tuikhokali kachihān khavātwui tuikat kāākhā āna singkāmira.

A. Longshim Kapime (Assembly Secretary): Otsin kala Pangshap

1. Longshim tuitak saikora āna kapimira.
2. Longshim kazipwui tuitak kapi kahai saikorali āwui mahor kala shoi zangda mathāda haimiphalungra.

B. Longshim Pishina (Joint Assembly Secretary): Otsin kala Pangshap

1. Longshim Kapimewui otngarut saikorali āna ngachonmida otsakrumra.

2. Longshim Kapime makhalei thǎrǎn Longshim Kapimewui otsin kala pangshap saikora āna singkāmira.

ĀKHUM-XIV

COMMITTEE KATEIBING

A. Lan Kajitme (Audit Committee)

1. Āchuk Ākhǎn hi Ākhum XI. A-C bing chi leira.
2. *Committeehi* mi kathumna semra kala āthumwui ngachaili āthum khalattana Ngahotme ākhǎ hāsangra.
3. Kumshǎn ākhǎli audit report khanishida chitheimira (half yearly & annually).
4. Āthumna darkǎr kasǎ theikhangayi Longwui kapipho saikora chi āthumli chithei phalungra.
5. Receipt maleila lah Yaruiwo eina Lan Phāmewui khamayǎ shoi maleila lan mamanāpaimara.

Ā. Kapangkasang Thǎnme (Election Commission)

1. Āchuk Ākhǎn hi Ākhum XI. A-C bing chi leira.
2. Election Commission hi mi phangǎna semra kala āthumwui ngachaili āthum khalattana Chief Election Commissioner hāsangra.
3. Chief Election Commissionna kathǎna kapangkasangwui otngarut saikorali thǎnmira.

A. Āin-Shongrǎn Khuime (Disciplinary Action Committee)

1. Āchuk Ākhǎn hi Ākhum XI. A-D bing chi leira.
2. Committee hi mi phangǎna semra kala āthumwui ngachaili āthum khalattana Ngahotme ākhǎ hāsangra.
3. Kachikathǎ miphǎna kharing kharak mamashungla okthuiākhǎ ***** lah Riyan li chonmakǎnda sǎākhǎ Long Mawunwo kala Committeena hǎngmathin

kapai eina tangda hãngra. Hãngmathin kahaiwui thili mahengsangãkhã khuikhangayi shongrãn khuira- ngalenghaipai, mingchan katatmihaipai lah kashamhaipai.

4. Khuikahai shongrãn saikora Longwui kapipholi chanhaira kala mikhangayi mi/longli chitheira.

****Kharìng kharak makhamashung ãpong ngayarda ãzingli chitheimili: phasã khayor (flesh trade), kala chikathãli chan kazat, zamkhor ãri- ãrai shichinda malip kazat, khali-kasã, ngapon kazat, hkt. Yaruìrinli sãzã kapai lah Long hili maikashi khami otsak saikorali committee hina yangsangmira

B. Mashun Yangme (Tribunal)

1. Æchuk Ækhãn hi Ækhum XI. A- C bing chi leira kala Long hiwui Phungvã sãkasã mipħã ngasãphalungra.
2. Mashun Yangmebing hi mi kathumna semra.
3. Riyan kakhalat ngatei ngarokhaida pakhangapã leihaiãkhã ãthumna yangsangmira.
4. Longwui kathãna (departmental) bingwui ãlungli khonkazar machãkhangarok leiãkhã ãthumli tuikat kãda tharkhuira.
5. Long hili kachikathã kasak khonkazar otshot shokta Phungvãbingna masingkharar kala Long hi shimãn kapai zakshilãk kahai ãtam thãrãnli ãthumna Machinmebingli ngasanlaga khãngkhuimira.

ÆKHUM-XV

LONGWUI LAN

- A. Long mingchanman kala mipħaman hi mipħã kadhar kachivãna mipħalungra.
Æ. Mipħã kacham kachivãna mipħaman hi kum kachida mipħalungra.
A. Ækhum XII.A.11.

ÃKHUM-XVI

KAPANGKASANG KALA OTSIN HORSANG KHAMI (ELECTION AND OATH TAKING)

A. Kapangkasang hiwui *sessionli* Chief Election Commissionerna thãnmira.

Ã. Phungvãbingli kumshãnwui naomeikap kachi longshim kazipli kapangra.

A. Election Commissionna kakapang zimiksho marãranglakha zimiksho tharãda phangã mangãli nomination misangkhavai shomira kala nomination hi kakapang zimiksho marãranglaga kathumthang wui mangãli shunghaora.

B. Ãkhum XII A i-iv kala XIII A eina A wui otpambing hi election sãra.

C. Akhum XVI Bli kapangkãkahaibingna zimiksho tharã thangwui ãlungli Ãkhum XII A v-xvi kala XIII Ã eina B wui otpambing chi Ãkhum X li chizamikahai ãthishurda hãsangmira.

D. Kapangkasangli ranu lah hãkasangli ranu mi ãkhãli otpam ãkhã mãngwui vang kapangsangpai/hãsangpai.

E. Ãkhum XI A-D li mikahai ãchuk ãkhãn khaleiya mipħa katongana nomination file sapai kala Long hiwui active member kachiva khãnmet leiya.

F. Minganing hãsangme (proposal), katomme (seconder) kala minganing (candidate) saikora kakapang ãtamli zangphalungra. Mipħa ãkhana ãkhashili lãngda minganing mahãsangmipaimara.

G. Minganing kachivali ãwui kaphaning kala theikakhui hãngmikhavai Longshim kazipli ãtam mira.

H. Otpam ãkhãli minganing ãkhãmãng haiãkhã otpamchi ãna khuipapamra.

I. Minganing khani kala lãngmeida kharã otpam katonga khangathuma lairik eina khãn namra/sangra.

J. Khãnmet ngaraichãda samkaphang thãrãn Election Commissionwui mipħabingna khãn sanglaga china kupsangra.

K. Kachikathã otpam li nomination marããkhã Longshim kazipli nomination shomipai laga Ækhum XVI E-J wui athishurda zattãpapamra.

L. Kalikha chithanghon makapangsangpai phalungthuãkhã, kapangkasang Thãnmebingna zimiksho tharãwui ãlungli hãsangmira. Mikahai tamret chili mahãsangmirar thuãkha, otsin chi phungkasã ãchina khuimisãra kadhar makapangsangrangelaga eina tangda.

M. Ækhum XII A i- iv wui Phungvãbingli ngaraikachã otpamli latluida tamret khanishi mãng kapangkãpai.

N. Yaruiwo minganing maleila kapangkasang wui otsin masing kapaimara.

O. Kapangkahai kathãnabingli chithanghon tuingashit khuimida otsin horsang mira.

P. Longwui kachama kathãnabingna zimiksho tharã thangwui ãlungli Longwui kapipho, kazip lairik kala ot katonga kadharra kathãnabingwui pãngli misangphalungra.

ÆKHUM-XVII

TAMRET (TENURE)

A. Long hiwui kumshãn hi (Khaying - Mayo) eina tangra.

Æ. Long hiwui otpam saikora hi kum ãkha wui tamretna.

A. Standing Committee kachiva ãthumwui otngarut kupkahai wui thili ãthumwui pangshap maleiluimana.

ÆKHUM-XVIII

OTPAM KACHIHO (RESIGNATION)

A. Longshimna kapangkasang kathãnabing XII A i- iv, XIII A eina A ãtam maungshungla otpam sontã ngaiãkhã kapit-chithi eina Assembly Affairs li misangra.

Ã. Katei kathãnabingna XII A v-xvi ãtam maungshungla otpam sontã ngaiãkhã kapit-chithi eina Yaruiwoli misangra.

ÃKHUM-XIX

KACHIHÃN KHAVÃTWUI TUIKAT (NO CONFIDENT MOTION)

A.Kapangkãkakai kathãnabingli kachihãn vãtkakai thãrãn mi Magana shoi sãlaga kapit-shãkhi misangpai. Kapit-shãkhi chili ãthumna kachihãn khavãtwui maram tharzã eina chitheimiphalungra.

Ã. Kapit-shãkhi katonga Tuikhokali misangra, Tuikhokali kakã thãrãn Tuikhoklenli misangra.

A. Kapit-shãkhi samphangkahaiwui thili tuikat parkahaiyali ngaraikachã kapit-shãkhi chi miphalungra kala zimiksho tharãda phangãwui ãlungli Manothã Kapai Kazip ngahotmira.

B.Tuikat parkahaiya china ãwui mashun machitheiranglaga eina tangda ãwui otngarut ngavãtãsãphalungra.

C. Manothã Kapai Kazipli tuikat parkahaiya chili ãwui mashun phayet khavai ãtam mira kha ãwui khanmet maleimara.

D. Manothã Kapai Kazipli rãkazang sharuk kathumli khum khani ($\frac{2}{3}$) na mayããkhã ãli otpamwui eina khuishokpaira.

ÃKHUM-XX

MINGANIN, MINGANING KALA KHANGASHIK (REPRESENTATIVE, CANDITATURE AND RELATIONSHIP)

A. TNWSBwui otpam maphunglãk kachiya kha Long hiwui mipha_z zingcum ãkhã sãkahaia mipha_z ãkhãna Naga Students' Union Bangalore (NSUB)li minganin sãra. NSUB Riyanwui Ãkhum -IX li chitheimikakai otsin chi ãna sãra.

Ã. NSUB wui kathãna kakapang (election) ãtamli otpam ãvavali Tangkhulnao ãvavãmãngna nganingra kala ãwui minganing (candidature) chi Mawunwoli khamayã khuilaga vãra.

A. Keinung kateili khalei Longnao ngashikta ot sãra kala katomngarokra.

B. Tãngkhul Longrei lila ngashikta ot sãra.

C. Tãngkhulnaobingva Vareshi sãser haoda Church kala Fellowshipli ngashik kapai eina tangda ngashikpai kha khani hiwui otsin/otngarut khangatei chiya tharzã eina haiphalungra. ***** Dharmarin kala shitkasang otsak hiya ichichãwui theikakhui eina vaira.

*****Longwui mawunphunli dharmawui principles na mashirenpaimana kala dharma wui phanit-phanao (Christmas, Good Friday, Easter Sunday hkt.) lah otsin kateila Longna masingkapaimana.

ÃKHUM-XXI

KAKHAYEI KALA KHANGACHEI (AMENDMENT AND REVISION)

A. Long hiwui Riyan hi khayeipai kala ngacheipai.

Ã. Long hiwui mipha magana masuitãla Riyan hili khuishok khuizang kala ngarumsang khangai leiãkhã kapit- chithi eina Yaruiwoli maram tharzã eina chitheimida misangra.

A. Yaruiwona Mawunwoli hãngkasang eina ngasoda Longshim Ãkhokabingli Longshim ngahotmi ngasakra.

B. Ãngayung khangachei (Structural Change) hi zingkum phangãwui thili sãpai.

C. Riyan kakhayei lah khangacheila Longshim kazipwui mipha sharuk kathumwuili khani ($\frac{2}{3}$)na mayãphalungra.

